



**Broj: 02 –50 –1-16/'07
Sarajevo: 30.11.2007. godine**

ZAPISNIK

**1.vanredne sjednice Doma naroda
Parlamentarne skupštine Bosne i Hercegovine,
održane 30. novembra 2007.godine**

Sjednica je počela u 13,35 sati.

Sjednicom je predsjedavao Sulejman Tihić, predsjedavajući Doma naroda Parlamentarne skupštine BiH.

Sjednici je prisustvovalo 12 delegata.

Delegati Branko Zrno i Drago Ljubičić opravdali su izostanak dok je delegat Slobodan Šaraba svoje odsusutvo opravdao zakašnjelim dobijanjem poziva za sjednicu što je rezultiralo nemogućnošću njegovim dolaskom na sjednicu.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Prije početka sjednice, delegati su minutom šutnje odali počast tragično preminulom Ivi Lozančiću.

Na sjednici je usvojen sljedeći

DNEVNI RED

1. Zahtjev Kolegija Doma naroda Parlamentarne skupštine BiH za razmatranje Prijedloga izmjena i dopuna Poslovnika Doma naroda Parlamentarne skupštine Bosne i Hercegovine po hitnom postupku, u skladu s članom 122. Poslovnika Doma naroda;
2. Davanje saglasnosti za ratifikaciju Sporazuma između Bosne i Hercegovine i Evropske zajednice o readmisiji lica koja borave bez dozvola, predlažać: Vijeće ministara BiH;
3. Davanje saglasnosti za ratifikaciju Sporazuma između Bosne i Hercegovine i Evropske zajednice o olakšicama kod izdavanja viza, predlažać: Vijeće ministara BiH.

Ad.1. Zahtjev Kolegija Doma naroda Parlamentarne skupštine BiH za razmatranje Prijedloga izmjena i dopuna Poslovnika Doma naroda Parlamentarne skupštine Bosne i Hercegovine po hitnom postupku, u skladu s članom 122. Poslovnika Doma naroda

U raspravi o ovoj tački dnevnog reda učestvovali su Ivo Miro Jović i Mladen Ivanić. Dom naroda jednoglasno je usvojio Zahtjev Kolegija Doma naroda Parlamentarne skupštine BiH za razmatranje Prijedloga izmjena i dopuna Poslovnika Doma naroda Parlamentarne skupštine

Bosne i Hercegovine po hitnom postupku, u skladu s članom 122. Poslovnika Doma naroda, nakon čega je i Poslovnik Doma naroda usvojen.

S obzirom da je zbog hitnosti Prijedlog izmjena i dopuna Poslovnika Doma naroda Parlamentarne skupštine Bosne i Hercegovine dostavljen delegatima samo na bosanskom jeziku, zaključeno je da se prije objavljivanja u „Službenom glasniku BiH“ Prijedlog izmjena i dopuna Poslovnika Doma naroda Parlamentarne skupštine Bosne i Hercegovine uradi na hrvatskom i srpskom jeziku.

Ad.2. Davanje saglasnosti za ratifikaciju Sporazuma između Bosne i Hercegovine i Evropske zajednice o readmisiji lica koja borave bez dozvola, predlagač: Vijeće ministara BiH

Nije bilo rasprave o ovoj tački dnevnog reda.

Dom naroda jednoglasno je dao saglasnost za ratifikaciju Sporazuma između Bosne i Hercegovine i Evropske zajednice o readmisiji lica koja borave bez dozvola.

Ad. 3. Davanje saglasnosti za ratifikaciju Sporazuma između Bosne i Hercegovine i Evropske zajednice o olakšicama kod izdavanja viza, predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Bosne i Hercegovine i Evropske zajednice o olakšicama kod izdavanja viza.

Sjednica je završila sa radom u 13,50 sati.

Sastavni dio ovog zapisnika je neautorizirani transkript 1. vanredne sjednice Doma naroda.

**SEKRETAR
DOMA NARODA**
Marin Vukoja

**PREDSJEDAVAJUĆI
DOMA NARODA**
Sulejman Tihić, dipl.iur